

հատ զեյթունցի տաննի հետս, անոնք շերեփ ունեին, կարելի է ամանին տա-
կեն, թովերեն բան մը փրցունեին»⁶¹։

Եթե 61-րդ հոդվածի մեջ Զերազը նշմարում էր մի դրական եզր՝ այն է
Հայկական հարցի միջազգային հարց դառնալը, ապա երիմյանը հենց դրա-
նում էր գտնում նրա ողջ բացասական շունչը, որն Արդույ Համիդ II-ի համար
դարձավ հայ ժողովրդին ծրագրված ոչնչացնելու առավել գործուն խթան։
Արևմտահայ ժողովրդին փրկելու անվան տակ հորինված այդ հոդվածը,
իրականում դարձավ նրա դեմ ուղղված շարիք։ Սպանացող աղետը բավա-
կան շուտ տեսավ ու սխալվեց Գր. Օտյանը. «Հաջողեցանք 61-րդ հոդված
մը դնել տալ Պերլինի դաշնարեին մեջ, իցիվ թե հաջողեինք ջնջել զայն»⁶²։
Ստ. Փափագյանը, վրդովված, Ազգային ժողովում գինված պայքարի կոչ էր
անում. նա մատնացույց էր անում բալկանյան ժողովուրդներին, որոնք զեն-
քը ձեռքներին պայքարեցին և հաջողության հասան։ Եվ որովհետև հայերը
աղերսում են այն ամենը, ինչ բալկանյան ժողովուրդները զենքը ձեռքներին
պահանջում են, ուստի հայերին «կը զլացվի ամեն հավասարության իրա-
վունք»⁶³։ Կոնգրեսից հիասթափված Գ. Սրվանձությանցը, հայ ժողովրդի մտա-
վոր վերածնության ու ազատագրական պայքարի մեջ տեսնելով նրա փրկու-
թյունը, գրում էր. «Հայաստանի մեջ է բուն հայկական խնդիրը, մենք Պերլի-
նի մեջ կորոնենք զայն»⁶⁴։ Արևելահայ լիբերալ-դեմոկրատիան «Մշակի»
շուրթերով մարգարեանում ու պատգամում էր. «Մեզ վրա հույս պետք է
դնենք և ոչ թե Բեռլինի։ Այն ազգը, որն ինքն իր վրա հույս չունի, նա ապա-
գա լունի»⁶⁵։

3. ՀԱՅԿԱԿԱՆ ՀԱՐՑԸ ԵՎ ՄԻԶԱԶԳԱՅԻՆ ԴԻԱԼԱԿԻՏՈՒԹՅՈՒՆԸ

Դառը փորձը վերջապես համոզեց հայ գործիչներին, որ եվրոպական
պետություններն ամենևին էլ քրիստոնյա ժողովուրդների փրկիչները չեն,
ինչպես մինչ այդ կարծում էին շատերը։ Եվ որ նրանց համար իրենց շահ-
քից դուրս ոչինչ գոյություն չունի։

Արևմտքի առաջադեմ շատ գործիչներ հանդես էին գալիս հայկական
դատի պաշտպանությամբ, բայց նրանց ազնիվ ու ողնշունչ կույքները լոկ
բարոյական աշակցություն էին անհավասար գոտեմարտի ելած հայ ժողո-
վրդին։ Մինչդեռ այդ տերությունների կառավարություններին ու նրանց
ևսեռում կանգնած իշխող դասակարգերին ղեկավարում էր սեփական շահ-
խնդրությունը։

Հարցի ակունքները թաքնված էին եվրոպական բուրժուազիայի Թուր-
քիայում ունեցած բազմառեսակ շահերում։ Անգլիական կապիտալի հետ
միասին ներխուժելով և ընդգրկելով Թուրքիայի տնտեսության մի շարք կա-
րեւորագույն ոլորտները, այնտեղից հսկայական տոկոսներ կլանող ֆրանսիա-
կան բուրժուազիան շահագրգռված էր Թուրքիայի ամբողջականության պահ-
պանմամբ։ Սկսվում էր գաղութների նվաճման համար կապիտալիստական

61 «Արմենիա», 1888—1889, № 47։

62 Ա. Ալպոյանյան, Պատմություն Մալաթիո հայոց, Պելուս, 1961, էջ 336։

63 «Առեւտրությունը ազգային ժողովուրդ», 1878—1879, էջ 351—352։

64 Գ. Սրվանձությանց, Թորոս աղբար..., մաս Ա, էջ 270։

65 «Մշակ», 1379, № 125։

երկրների անօրինակ վազքը: Ֆրանսիական բուրժուազիայի հայացքը հառած էր Աֆրիկայի ու Ասիայի մի շարք երկրների վրա, որոնց զավթումը «կենսական անհրաժեշտություն» էր համարվում:

Ֆրանսիայի արտաքին գործերի մինիստր Վ. Ն. Վադդինգտոնը խոստացավ պաշտպանել հայ ժողովրդի օրինական պահանջները: Բայց ահա երբ կոնգրեսի ետնախորշում Բիքոնսֆիլդը նրան հանձնեց Թունիսի զավթման երաշխիքը, նա մոռացավ հայկական հարցը պաշտպանելու իր խոստումը:

Անգլիական նվաճողական դիվանագիտության համար գրոշի արժեք չունեին հայերին տված հավաստիացումները: 1878 թ. հուլիսի վերջերին լորդերի պալատում ամփոփելով Բեռլինի կոնգրեսի արդյունքները, առաջին մինիստրը հայտարարում էր, որ իրենք Թուրքիայի ասիական մասում հատուկ շահագրգռվածություն ունեն իրենց հնդկական տիրապետության ապահովության իմաստով, և որ Անգլիան պարտավոր էր պաշտպանել Թուրքիային:

Անգլիական դիվանագիտությունը բնավ շահագրգռված չէր ինքնավար Հայաստանի ստեղծմամբ, որը, նրա կարծիքով, կդիմանար չափազանց կարճ և վաղ թե ուշ կմիացվեր Ռուսաստանին, ձախողելով Անգլիայի բոլոր դիտավորությունները: Հայերին ինքնավարություն պահանջել հորդորող Լեյարդը 1878 թ. մայիսին՝ Բեռլինի կոնգրեսի նախօրյակին, Կ. Պոլսից հայտնում էր Սուլթերին, թե Հայաստանի հայերը անկարող են ինքնավարության: Ինքնավար Հայաստանը մեկ ամիս էլ չի դիմանա և ձեռքը կմեկնի Ռուսաստանին⁶⁶, Իսկ մեկ տարի անց՝ 1879 թ. հունիսին, նույն հասցեատիրոջն ուղղած հեռագրում Լեյարդը դժգոհությամբ հայտնում էր, որ հայերի նպատակն էր վերականգնել հայկական պետականությունը⁶⁷:

Քրիստոնյա ժողովուրդների պաշտպանի դերում հանդես եկող անգլիական կառավարությունը ոչ միայն հովանավորում, այլև հետևողականորեն հրահրում էր Բ. Դուան կողմից կազմակերպված արյունոտ ջարդերը: Զուր չէր «Դեյլի նյուսի» թղթակից Մակգաանը հրապարակորեն մերկացնում Կ. Պոլսի անգլիական դեսպան Էլիոտի բանսարկություններն ու դավիքը, ի լուր աշխարհի հայտարարելով, թե նա մեղսակից է թուրքերի հետ և պատասխանատու բուլղարական կոտորածների համար⁶⁸:

Նույն ձևով էին հայերը գնահատում Լեյարդի վարքագիծը:

«Մշակը» պատերազմի շրջանում և նրա ավարտից հետո հետևողականորեն հանդես էր գալիս Անգլիայի՝ փոքր ժողովուրդների նկատմամբ վարած քաղաքականության քննադատությամբ: 1877 թ. ռազմաճակատի գոտում գտնվող հայ ազգաբնակչության ջարդերի մասին խոսելով, նա նշանակում էր Անգլիային, որը գոհ կլինեք, եթե բոլոր հայերն էլ կոտորվեին, և երկիրը անապատ մնար, «Միայն որ Անգլիան ճանապարհ ունենար դեպի Հնդկաստան, միայն որ այդ անապատը ուրիշ տերության ձեռքը չընկնի»: Արժրունին Անգլիային մեղադրում էր թուրքական շորերով Ռուսաստանի դեմ կռվելու, Թուրքիային զենք տրամադրելու և Արևելքում քրիստոնեությունը ջնջելու մտադրության մեջ⁶⁹:

66 Տե՛ս Խ. Գաբիկյան, Հայկական հարցը, էջ 323:

67 Տե՛ս «Положение армян в Турции до вмешательства держав в 1895 г.», М., 1896, стр. 57.

68 Տե՛ս Է. Դ. Մակգաան, Зверства в Болгарии, СПб., 1877, стр. 98—105.

69 Տե՛ս «Մշակ», 1877, № 50 և 1878, № 48, 126:

Անգլիացիները բացահայտ ազդարարում էին, թե «Սուլթանի թշնամիները մեր թշնամիներն էին, նրա բարեկամները՝ մեր բարեկամները»⁷⁰:

Ինչ վերաբերում է Բեռլինի պայմանագրի 61-րդ հոդվածին, գրում էր Մաչլոյմ Մակբոյը «Անգլիայի պատասխանատվությունը Հայաստանի առջև» մեղադրական իր հոդվածում, այն մնաց որպես մեռած մի տառ: Թուրքիան երբեք եվրոպական պետություններին չհաղորդեց պայմանագրի իր պարտավորությունների ուղղությամբ կիրառելիք միջոցառումների մասին, որովհետև երբեք միջոցառում իր կողմից, բնավ չէր ձեռնարկվել, Իսկ պետությունները հաշտվեցին Թուրքիայի կողմից միջազգային պարտավորության խախտման հետ: «Այդ բարձրագույն աստիճանի ամոթալի փաստի համար գլխավորապես և բոլորից շատ պատասխանատու է Անգլիան»⁷¹:

XIX դարի 80-ական թվականների երկրորդ կեսից, Եգիպտոսի գրավման շնորհիվ, Անգլիայի հետաքրքրությունը Հայկական հարցի նկատմամբ ընկնում է, տեղը զիջելով Բ. Դոան բարյացակամությունն ստանալու ձգտմանը: Ուստի և «Կապույտ գիրքը», որը մինչև այդ լի էր Թուրքիայի քրիստոնյա ազգաբնակչության հարստահարությունները նկարագրող պատկերներով, այդ շրջանում դադարում է Արևմտյան Հայաստանին վերաբերող փաստաթղթերի տպագրելու:

Հետագայում անգլիական դիվանագետները սառնասրտորեն խոստովաելով էին, որ «Անգլիական պատվիրակությունը Հայկական հարցը օգտագործեց սոսկ Ռուսաստանի դեմ պայքարելու և Թուրքիայում իր դիրքերը ամրապնդելու համար» և եթե չլիներ իրենց շարադետ միջամտությունը, ապա հայերի մեծամասնությունը դեռ 1878 թ. Սան-Ստեֆանոյի պայմանագրով կանցներ ռուսական դրոշի տակ⁷²:

Հայկական հարցի դրական լուծումը բնավ չէր հետաքրքրում նաև Գերմանիային: Հայ ժողովրդի ծանր վիճակը ոչ միայն չէր հուզում բիսմարկներին ու վիրհելմներին, այլ նույնիսկ հնարավորություն էր ընձեռում օգտագործել այն՝ իրենց աշխարհակալական նպատակներին հասնելու համար:

Տարական դիվանագիտությունն էլ երկդիմի քաղաքականություն էր վարում, Ռուս դիվանագետները Բեռլինի կոնգրեսում հայկական պատվիրակությանը պատասխանում էին, որ չեն կարող պաշտպանել հայերին, քանի որ «Արևելքի քրիստոնյաները չեն աջակցել Ռուսաստանի քաղաքականությանը»⁷³: Հայտնի է նաև այն, որ կոնգրեսի օրերին Մ. Տ. Լոռիս-Մելիքովը հայ պատվիրակներին խորհուրդ էր տալիս ինքնավարություն պահանջել Կիլիկիայում, որովհետև Արևմտյան Հայաստանը Կովկասի ռազմական քարտեզներում զծագրված է որպես Ռուսաստանի ապագա սեփականություն, այն ժամեր ճանապարհն էր⁷⁴: Իսկ Գորչակովը որոշակի պատասխանեց, որ հայերի ինքնավարության պահանջը ինքը չի կարող պաշտպանել, որովհետև այն դուրս է իր ստացած հրահանգից⁷⁵:

70 Մ. Գ. Ներսիսյան, Հայ ժողովրդի ազատագրական պայքարը Թուրքական բռնապետության դեմ, էջ 313:

71 «Положение армян...», стр. 195.

72 Ллойд Джордж, Правда о мирных договорах, т. II, стр. 390, 540.

73 Սարգսյան, նշված աշխ., էջ 478:

74 Տե՛ս Ն. Նումյան, Հուշարձան..., հ. 1, էջ 103:

75 Տե՛ս Սարգսյան, նշված աշխ., էջ 462:

Այսուհանդերձ, ժամանակի հայ գործիչների ղեպի մասը հակված էր Ռուսաստանի կողմը և նրան զերադասում էր ոչ միայն Թուրքիայից, այլև եվրոպական մեծ տերություններից, իրավացիորեն զանելով, որ անկախություն ձեռք չբերելու դեպքում արևմտահայ ժողովուրդը նույնպես իր բախտը պետք է կապի Ռուսաստանի հետ

Բեռլինի պայմանագիրն ստորագրելուց երկու ժամ առաջ հայ պատվիրակները մի վերջին բողոքագիր ներկայացնելով կոնգրեսին, իրենց առաքնությունը համարեցին ավարտված:

«Հայկական պատվիրակությունը, — ասված էր այնտեղ, — շուտով կմեկնի Արևելք, իր հետ տանելով այս դասը: Այնուամենայնիվ նա հայտարարում է, որ հայ ժողովուրդը երբևէ չի դադարի իր ձայնը բարձրացնել, մինչև որ եվրոպան կատարի նրա պահանջների արդար դատաստանը»⁷⁶:

Իսկ Հայկական հարցը, որն իր էությունով արևմտահայության և Արևմրոյան Հայաստանի ազատագրման հարցն էր, այնպես էլ իր լուծումը չստացավ...

* * *

Բեռլինի կոնգրեսի ավարտն ու 61-րդ հոդվածի ստեղծման լուրը Արևմրոյան Հայաստանի հայ բնակչությունը հասավ սպառնալիքի այն ահազանգի հետ, թե հարևան թուրքերն ու քրդերն հենց այդ հոդվածի պատճառով իրենց պետք է կոտորեն:

Այդ սարսափը արագացրեց հայերի զանգվածային արտագաղթը, որն սկսվել էր դեռ պատերազմական գործողությունների ժամանակ և հղի էր ողբերգական հետևանքներով: Թողնելով իրենց հինավուրց հայրենիքը, գաղթողները հաճախ այրում էին հացահատիկն ու խոտի ղեղերը և Արևելյան Հայաստան խուժում սրահաված ու մազապուրծ, ուսներին մուրացկանի մազախն ու գաղթի ճանապարհի փոշին: Ողողելով Երևանի նահանգի փոքրիկ տարածքը, նրանք գերբնակչություն էին ստեղծում այնտեղ, կամ ճանապարհը շարունակում ղեպի ոռոսական հեռավոր տափաստանները:

Ի դեպ, ցարական կառավարությունը գաղթած հայերից շատերին Երևմանի նահանգում հող չիինելու պատրվակով բնակեցնում էր Հյուսիսային Կովկասում և այլուր, մինչդեռ նույն շրջանում ոռոս վերաբնակիչներ էր տեղափոխում Կարսի մարզ, Արարատյան դաշտ և Շիրակ:

Պատրիարքարանը գործնական միջոցների ղմենց ահաբեկված ժողովրդին գաղթելու մտադրությունից ետ պահելու համար: Համոզելու նպատակով գավառներ մեկնեցին մի շարք գործիչներ: Հարց դրվեց, որ Բ. Գուրը արագացնի բարենորոգումների կենսագործումը:

1878 թ. օգոստոսին Արևմտյան Հայաստանի տարբեր շրջաններում սկսվեցին խստագույն ճնշումներ, ընդհուպ մինչև առանձին անձանց ձերբակալությունն ու քաբորը: Առաջին զոհերից մեկը դարձավ «Ազգային երգարանի» հրատարակիչ Նզիա Տնտեսյանը, որը չդիմացավ բանտային կյանքին և շուտով մահացավ:

Բեռլինի կոնգրեսից հետո արևմտահայերի դրությունն ավելի վատթարացավ: Բալկանյան երկրների անջատումն ահաբեկեց թուրք ազգայնական-

76 Ն. Բազալյան, Հայկական հարցը Սան-Ստեֆանոյի դաշնագրում և Բեռլինի կոնգրեսում 1878 թ., Երևան, 1955, էջ 161 (Հավելված, արխիվային փաստաթղթեր):

ներին և նրանց ուշադրությունը սեռեց Արևմտյան Հայաստանի վրա: Նախ, կեղծված տվյալներով պակաս ցույց տալով Արևմտյան Հայաստանի հայ ազգաբնակչության թիվը, որտեղ նրանք հարաբերական մեծամասնություն էին կազմում, թուրքական իշխանությունները քիչ անց, բռնի ձուլման ու զանգվածային ջարդերի միջոցով ձեռնարկեցին այն արհեստականորեն նվազեցնելուն:

Հուլյնների և բալկանյան մյուս ժողովուրդների ապստամբություններն ու նրանց դուրս գալը Օսմանյան կայսրությունից, ինչպես նաև ազգային փոքրամասնությունների հովանավորի անվան տակ, թուրքիան բաժանելու համար մեծ տերությունների ձեռնարկած ջանքերն արագացնում էին հայերի ոչնչացման՝ օսմանյան պետության քաղաքական ծրագրով ուղեգծված սլանի իրագործումը:

Հայ գործիչները մեծազույն վտանգ էին կանխագուշակում արևմտահայության համար, եթե նա ազատության դրոշով մղած պայքարի ճանապարհին չկազմակերպվեր և պատրաստ չլիներ զենքով պաշտպանելու իր գոյությունը: